



DEO OPTIMO MAX.
UNI ET TRINO,

VIRGINI DEIPARÆ, ET S. LUÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS
*manè discutienda, in Scholis Medicorum, die Martis
vigesima-sexta Martii, anni M. DCC. XLIII.*

M. LUDOVICO-PETRO LE HOC,
Consiliario Medico Regis ordinario in ejus Castelleto,
& utriusque Pharmacix Professore, Doctore Medico,
Præside.

An Aqua vita, Aqua meritis?

I.



LUANT humores benignè, nec rigida sint plus æquo fibræ,
nec plus æquo molles, stat microcosmus: reciprocos secum mo-
tus confociare ament, viget, & in annos vigebit innumeros.
Mirari desine! Noluit parens Natura villos ex unâ parte vali-
dius obniti, quàm pulsare ex alterâ. Non à fluidis vita: non à
solidis duntaxat; sed ab expedito jugique fibrarum liquorum-
que motu repetenda. Nulla daretur absque liquoribus vasorum expansio; nulla

Diafoles. Si submoveatur vasorum renifus; undenam Siftoles? Unde perficitur humorum progressio? Sunt sua liquoribus munia. Sunt solidis appendices suæ. Arietat indefinenter in canalium parietes amicus ille, quem cohibent, liquor. Illo distenduntur; nec multò pòst, præ mirâ quâ pollent elasticâ vi, priorem recuperant statum; humoremque contentum propellunt. Stet temperata solidorum oscillatio: Immodica cave sit aquosarum, ætherearumque, quibus compingitur sanguis, partium perturbatio. Hinc vigent membra, interno pacifico-que rore recreata. Immotis tùm, constantissimisque innixus columnis, Nestores attinges annos. At brevior vitæ decurtabitur summa, si tollatur blanda & aquabilis solidorum oscillatio; si debita perfundatur fluidorum fluxilitas.

II.

VIX nati tumulto devovemur. Huc tandem deveniendum quo Tullus dives & Ancus. In annosioribus animantibus corporis fibrillæ duriores evadunt, siccioresque. In iisdem humores in progrediendo tardiores, eoque prompti minùs ad pororum meatus trajectiendos. Prænuncia hæc senectutis, mortisque ipsius specimina. Fibris rigiditate, tensione nimia, aut Erethismo laborantibus: nulla non corpori morborum cohors incubat. Si lenti humores, si spissi, si acres in alveis suis excipiantur; stragem edunt ubique deplorandam. Labefactatur æquabilis fibrarum oscillatio? Innumera statim exurgunt ægritudinum symptomata: & quidem gravissima. Hinc Phrenitis: hinc Plevritis: hinc pravi Pulmonum, Thoracisque labores. Quis Erethismo non adscripserit iliacam passionem? Quis non dolores colicos? non alia sanè epilepsiæ origo. Non alia apoplexiæ, paralyseos, hystericarum, hypochondriacarumvè affectionum causa. Nec minora pariunt incommoda, si steterint, aut remissius fluant humores, quicumque illi sint, vel sanguis, vel succus nerveus, vel lymphæ. Malè torpente sanguine, sitis ora occupat inextinguibilis, & alba faucium siccitas: cutis aret. Obstructiones progenerantur; vix ægrum trahas spiritum: æstuat intus ignis; vasaque ipsa sanguinea disrumpuntur; undè hæmorrhagiæ frequentes &c. Quid de Succo nerveo? intra fibras suas fistulosas, ne diutius immoretur: alias interpolabitur partium motus, sensus & nutritio. Quânam aliâ vi peragerentur corporis functiones: hæc languente languidiores; tota virium propè prostratio; inexplendus somni appetitus. Si variis successibus partes alluat; aliâ enascuntur morborum genera: importunus membrorum tremor, motusque spasmodici Hærent lymphæ bilisque crassitie tardâ impeditæ. Ne speres alvum subduci facilem. Icterus timeas, febres ardentes, erysipelata, præda futurus arthritidis, rhumatismi, & catarrhorum. Pereant igitur ea omnia quibus fibræ corrugarentur, crispanturque, quibus humores in grumos concreverent, malorum omnium progeniem edituros.

III.

IMPROVIDAM sanè hominum mentem! Sapida & spirituosâ potulenta, insipidis & naturalibus ut plurimum anteponunt. Vinum aquæ præfertur: interdum Aqua vitæ. Nullius non mali seminarium Bacchus est: arridet vinum oculis; at viscera distorquet: naribus blanditur; sed quæ blanditis fides? urget, premit incautos modis omnibus faucianos. Quid cum depositio illo quo obvolve-

batur phlegmate & empyreumate, igneus evaserit; nullo vinculo; nullis repagulis coercendus: nil tūc nisi volatile, nisi sulphureum respuat. Stupeat deplo-
randa Aquæ vitæ: stupeat spiritus vini lethales effectus, quibus Mechanismus
nescierit. Nec suppositus ignis iste est cineri dolofo: Quis ipse sit, declarat con-
festim. Tantum tetigisse, extremo ore delibasse sat est. Introducitur in os viri rectâ
seuētis valetudine? oritur musculorum omnium, membranarumque spasmus
diū implacabilis, quo salivæ vel undequaque repercutiatur humor, vel in massam
cogatur refluerè sanguineam. Intereâ delabitur in ventriculum; utinam cibo refer-
tum aliquo: minor exindè ruina; si vacuum, strages partium omnium internarum
ludenda. Tunc in obvias qualque fibras ruere impetuosius, membranas excicare,
mille jaculis confodere, vellicare. Nec parceret intestinis omnia latè depopulaturus
liquor. Putridus ex eo chylus venas subit lacteas; torridus ubique: sanguinem ip-
sum jamjam coagulo depravaturus. Quid ad hæc spirituosorum captatores? seiplos
concutiant, toties expertos similia; veritatis hujus sibimet intimè conscios, in-
terpolari Aquæ vitæ potatione, humorum, solidorumque consortium.

IV.

ENUMERET qui potest & vacat singula morborum genera, à spirituo-
rum potatione/progenita. Quid penitiora naturæ rimamur viscera? ponat-
ur sub oculos corpus humanum aliquod nimia Aquæ vitæ copiâ sopitum, emor-
tuum. Feralis homini huic dormienda crapula. Rigent marmore ipso frigidiores,
partes artuum extremæ. Tenuissima vix deprehenditur calor scintillula. Penè ex-
siccatis visceribus, glandulisque; coarctata vasorum extrema sanguis cursum aut
minuunt aut prorsus sistunt impervia liquoribus. Nullus succo nerveo, nullus
lymphæ, vasa capillaria pervadendi locus. Somnus profundior. Strepitu nullo,
etiâsi fractus illabatur orbis, dimovendus. Nec mirum! Spiritus moveri & mo-
vere idoneos, marcor habet insuperabilis: non feceruntur à lymphâ, à sangui-
ne non feceruntur. Sanguis ipse in vasīs majoribus impeditus, circuitum absol-
vit pigerrimum. Si qua Medicis fides: si qua experientie quotidianæ; morborum
innumerosum fomes, aqua vitæ. Bibebat ille (a) aquam vitæ copiosius: hinc
membrorum enata paralyſis. Laborabat alter vitio eodem, pœnas luit temerita-
tis suæ, factus (b) apoplecticus. Alter (c) liquoris ejusdem amans luctuosam
priorum sortem non effugit inultus: quin immò expertus graviora; pruritus to-
tus corporis intolerabilis, irrequieta artuum lassitudo præludia fuere icteri, Dyf-
pnoæ, mortis denique ipsius; quæ utinam corripuisset gradum, doloribus acer-
bissimis finem oculis impositura. Plurimi (d) exhibuere homines spiritu vini im-
moderatiùs hausto facti stupidi, hebetes, attoniti. Non acritus venas opium momor-
disset. Unanims eâ in re Medicorum consensus: capiti insensibilissima spirituosorum
epotatio: affectus generat soporosos, ciborum appetitui, eorumdem digestionis
iniquior. Testem appello Sylvium; (e) undenam inter Londinenses vulgariis
hydrops. In promptu causa est. Aquæ vitæ usus crebrior. At testimonia experi-
mentis confirmantur. Liceat instillare in os felis spiritus vini cochleare unum;

(a) Hechsteerus; Dec. x. c. vi.

(b) Idem.

(c) Idem.

(d) Platerus. Rolsinius, Hoffm. Wedelius in Pathol.

(e) Lib. 1. Prax. c. x. idem Lysler in exercit. de Hydropse.

cæco igne carpiuntur: agitur furibunda vitæ amissura citius. Insinuantur per venam canis jugularem ope syringis spiritus vini uncia duæ; perit subito miserum animal. Adde ipso aves subito enecari: chylum, lac, lympham, bilem, liquoresque omnes spiritu vini infestos concreescere statim in massas ferè ossæas, lapideasque. Væ igitur miseris illis, quos ordine inverso mortem juvat pede libero provocare. Apage sint potulenta illa, quæ viribus senescitur prius, quàm ætate: quibus properato funere dies hominum refecantur.

V.

NEQVICQUAM saluti hominum consulitur, Trahit sua quemque voluptas. Frustra clamatur à Medicis: caveant malè cauti à spirituosorum haustu; latere sub herbâ anguem. Quid non contrà suggillat imprudentium potatorum malè sana temeritas? Quid non crepat? spiritum vini præcipua vitæ inter languentis remedia luculentissimum. Eo corroborari partes corporis omnes, eo augeri magis ac magis fibrarum, si quæ laxæ fuerint, vim recipiam, motum oscillationis restitui. Provocat, ajuvat, spiritus animales divinus liquor; morantes increpat; stagnantes agit. Foveas membra quolibet malè torpentia vivificâ aquâ: transpirant humores. Eâdem fricaveris partes corporis debiliores, paralyticas, etiam contusas. Frictionem sequitur subitus vigor. Egregiam sanè laudem: quasi verò, dùm in apoplexiis, lethargis spiritum vini admoves, fiat interna ipsius applicatio. De externâ non ambigitur. Esto naribus, temporibus, pectore, stomacho, pugillis aquâ vitæ imprægnatis fibrarum motus reviviscant. Quis aquam vitæ stipticum negat non adeò inefficax. Cujus tamen virtuti, ne plus æquo confidas. Fibras nimis exsiccat spirituosus liquor, vel extrâ admotus. Illo malè crispantur. Illo, eo usque spissantur liquores, ut motum per vascula interrumpat. Undè nimia ipsius vis, aquâ vel succo plantarum moderanda. Ni sic præcaveas: eadem manebit ægrum fors, quæ virum quemdam non infimioris notæ. Laborabat immodico pedum sudore, pori laxiores, meatus apertiores. Iis obstruendis, spiritum vini ratus non imparem, pedes irrorat, fricat infido liquore. Sed quid inde? evanescit penitus pedum transpiratio: crispantur fibrillæ, constringuntur, corrugantur. Hinc acutus capitis dolor: incessus difficilis, importuna alvi subductio. Igitur adhibeas Aquam vitæ intrinsecus, extrinsecus duntaxat admiseris. Ex utroque discrimen grande: hinc premit canis, inde lupus. Caveas tamen attentius ab haustu, cui si gula parens obtemperaveris, frustra senectutem præstolare, morborum iliade citò consumendus.

Ergò Aqua vitæ, Aqua mortis.

Proponebat Parisiis, PETRUS ARCELIN, Matisconenfis, Doctor
Monspelienfis, Saluberrinæ Facultatis Medicinæ Parisiensis Baccalaureus,
A. R. S. H. 1743. à sextâ ad meridiem.

Typis QUILLAU, Universitatis & Facultatis Medicinæ
Typographi, 1743.